

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
Broj: 01-011-231/00
Sarajevo, 18.10.2000.

Z A P I S N I K

sa 26. sjednice Predstavničkog doma Parlamentarne skupštine Bosne i Hercegovine,
održane 18.oktobra 2000. godine

Dvadesetšesta sjednica Predstavničkog doma počela je s radom u 11,40 sati. Predsjedavao je Halid Genjac, predsjedavajući Doma.

Sjednici su prisustvovala 33 poslanika – iz FBiH 19, iz RS 14.

Odsustvo su opravdali poslanici Ivo Mijačević, Ana Havel, Ibrahim Đedović i Edhem Bičakčić. Odsustvovali su i poslanici Hamdija Kulović, Mustafa Pamuk, Haris Silajdžić i Ljubomir Zovko.

Predsjedavajući je skrenuo pažnju poslanicima da su na ovoj sjednici dobili glasačke kartone i da će glasanje obavljati njima, u skladu sa Poslovníkom Predstavničkog doma. Zatim je upoznao poslanike da je Kolegij usaglasio izmijenjeni prijedlog dnevnog reda u odnosu na onaj koji su dobili uz poziv za sjednicu. Novi prijedlog Kolegija je da se u dnevni red uvrste:

- Potvrđivanje imenovanja predsjedavajućeg Vijeća ministara i članova Vijeća ministara, zbog rotacije u Predsjedništvu BiH,
- Davanje saglasnosti Federaciji BiH za sklapanje sporazuma o kreditu za obnovu obrazovanja sa Fondom OPEC-a.

Kolegij je takođe usaglasio stav da se iz prijedloga dnevnog reda isključi Prijedlog zakona o izmjenama i dopunama Zakona o carinskoj tarifi, jer je Tarifa, koja je sastavni dio Zakona, stigla kasnije, te nije zadovoljena poslovnička procedura.

U diskusiji povodom prijedloga dnevnog reda učestvovali su: Ibrahim Spahić, Abdurahman Malkić, Sejfudin Tokić, Suada Muminagić.

Poslije diskusije predsjedavajući je prvo na glasanje dao prijedlog dnevnog reda usaglašen na Kolegiju.

ZA prijedlog Kolegija glasalo je 25 poslanika, a 4 su se uzdržali. Iz RS ZA je glasalo 9, iz FBiH 16. Prema tome, prijedlog Kolegija je usvojen.

U daljoj diskusiji o dnevnom redu učestvovali su Rasim Kadić, Ibrahim Spahić, Mirko Banjac, Nikola Špirić, Sejfudin Tokić i Miodrag Deretić. Potom je predsjedavajući naglasio da će na glasanje dati samo prijedloge za izmjenu ili dopunu dnevnog reda koji ispunjavaju poslovničku proceduru. Skrenuo je pažnju da se mora izmijeniti i uobičajeni rad radnih komisija s obzirom na novi Poslovník Predstavničkog doma. Naglasio je da su svi materijali koji su stigli u parlamentarnu proceduru usmjereni ka nadležnim komisijama i svi će, nakon proteka roka za komisijisku fazu doći na dnevni red Doma prema odredbama Poslovníka, pri čemu će se svaki prijedlog tretirati ravnopravno.

Dom se izjasnio jedino o prijedlogu poslanika Sejfudina Tokića – **da se u dnevni red uvrsti Nacrt zakona o sportu.**

Od 30 prisutnih ZA prijedlog je glasalo 16, proptiv 12, a dva su bili uzdržani. Po entitetima - iz RS ZA su glasala 3, iz FBiH 13. Prema tome, prijedlog nije usvojen.

Predsjedavajući je konstatovao da je za 26. sjednicu Predstavničkog doma usvojen prijedlog Kolegija, pa je, prema tome, 26. sjednica Predstavničkog doma imala sljedeći

D N E V N I R E D:

1. Potvrđivanje imenovanja:
 - a) Predsjedavajućeg Vijeća ministara,
 - b) člana Vijeća ministara.
2. Prijedlog izmjena i dopuna Budžeta institucija Bosne i Hercegovine i međunarodnih obaveza BiH za 2000. godinu,
3. Prijedlog zakona o izmjenama Zakona o izvršenju Budžeta institucija BiH i međunarodnih obaveza BiH za 2000. godinu,
4. Prijedlog zakona o postupku zaključivanja i izvršavanja međunarodnih ugovora,
5. Prijedlog zakona o slobodi pristupa informacijama u Bosni i Hercegovini (predlagači poslanici Sejfudin Tokić i Ivo Lozančić),
6. Nacrt Osnovnog zakona o ombudsmenu Bosne i Hercegovine (predlagač poslanik Edhem Bičakčić),
7. Prijedlog Rezolucije (predlagač poslanik Ibrahim Spahić),
8. Davanje saglasnosti Federaciji BiH za sklapanje sporazuma o kreditu za obnovu obrazovanja sa Fondom OPEC-a,
9. Odgovori na poslanička pitanja i pitanja poslanika.

Ad – 1: Odobranje imenovanja:

- a) predsjedavajućeg Vijeća ministara
- b) ministara i zamjenika ministara

a) Odobranje imenovanja predsjedavajućeg Vijeća ministara

Predsjedavajući Halid Genjac dao je uvodne napomene u vezi s ovom tačkom dnevnog reda. Zatim je dao riječ Martinu Ragužu, kojeg je Predsjedništvo BiH imenovalo za predsjedavajućeg Vijeća ministara.

Martin Raguž se obratio Domu i izložio ukratko programske prioritete u radu Vijeća ministara.

U diskusiji povodom ove tačke dnevnog reda učestvovali su Ivo Divković, Tarik Čaršimamović, Branko Dokić, Ibrahim Spahić, Sejfudin Tokić, Ivo Lozančić, Abdurahman Malkić, Nikola Špirić, Rijad Raščić, Suada Muminagić, Mirko Banjac, Pero Skopljak, Mirko Baković, kao i Martin Raguž i Spasoje Tuševljak.

Poslije diskusije, u kojoj je bilo dosta replika i polemika, predsjedavajući Halid Genjac je podsjetio na poslovničku odredbu, a onda je pozvao da se poslanici, prozivkom, izjasne o odobravanju imenovanja g. Martina Raguža za predsjedavajućeg Vijeća ministara.

ZA odobranje su glasali: Raifa Alagić, Rijad Raščić, Tarik Čaršimamović, Mediha Filipović, Halid Genjac, Adnan Jahić, Hilmo Neimarlija, Ivica Pašalić, Pero Skopljak, Anita Mikulić, Mirko Baković, Smail Bećirbašić, Munira Karić, Abdurahman

Malkić, Radenka Balta, Miodrag Deretić, Branko Dokić, Branislava Jovanović, Mirko Banjac, Mara Perkanović, Desanka Rađević i Nikola Špirić.

PROTIV su glasali: Zlatko Lagumdžija, Suada Muminagić, Ivo Divković, Bogić Bogičević, Sejfidin Tokić i Dragan Mirković.

UZDRŽANI su bili: Milenka Bošnjak i Vito Rakić.

Predsjedavajući je konstatovao da je, od 32 prisutna poslanika, ZA glasalo 22, PROTIV 7 i 2 UZDRŽANA. Iz FBiH ZA je glasalo 11, iz RS takođe 11 poslanika.

Prema tome, Dom je potvrdio imenovanje g. Martina Raguža za predsjedavajućeg Vijeća ministara Bosne i Hercegovine.

b) Potvrđivanje imenovanja ministara i zamjenika ministara

Predsjedavajući Vijeća ministara Martin Raguž prvo se zahvalio na povjerenju koje je od Doma dobio potvrđivanjem imenovanja, a potom je iznio sastav Vijeća ministara, naglasivši da predlaže isti dosadašnji sastav Vijeća ministara, sem jedne izmjene, gdje u Ministarstvu vanjske trgovine i ekonomskih odnosa umjesto Velimira Lovrića predlaže Zlatana Ištvanića.

Pošto nije bilo prijavljenih za diskusiju predsjedavajući je dao na glasanje prijedlog predsjedavajućeg Raguža.

Od 28 prisutnih poslanika ZA je glasalo 19, protiv 6, a 3 su se uzdržala. Iz RS ZA je glasalo 9, iz FBiH 10 poslanika.

Predsjedavajući je konstatovao da je Dom potvrdio imenovanje ministara i zamjenika ministara u Vijeću ministara Bosne i Hercegovine, kako slijedi:

MARTINA RAGUŽA za ministra za ljudska prava i izbjeglice,
dr. SPASOJA TUŠEVLJAKA za ministra za trezor institucija BiH,
dr. BISERE TURKOVIĆ za ministra za evropske integracije,
dr. JADRANKA PRLIĆA, za ministra vanjskih poslova,
mr. TIHOMIRA GLIGORIĆA za ministra civilnih poslova i komunikacija,
MIRSADA KURTOVIĆA, za ministra vanjske trgovine i ekonomskih odnosa.

FADILA HAVERIĆA, za zamjenika ministra za ljudska prava i izbjeglice,
dr. NIKOLE ŠPIRIĆA, za zamjenika ministra za ljudska prava i izbjeglice,
ANTONA RILLA, za zamjenika ministra za trezor institucija BiH,
FATIME LEHO, za zamjenika ministra za trezor institucija BiH,
LIDIJE TOPIĆ, za zamjenika ministra za evropske integracije,
MILOVANA BLAGOJEVIĆA, za zamjenika ministra za evropske integracije,
MLADENA BOSIĆA, za zamjenika ministra vanjskih poslova,
mr. HUSEINA ŽIVALJA, za zamjenika ministra vanjskih poslova,
NUDŽEIMA REČICE, za zamjenika ministra civilnih poslova i komunikacija,
VALENTINA ČORIĆA, za zamjenika ministra civilnih poslova i komunikacija,
MIĆE VUKOVIĆA, za zamjenika ministra vanjske trgovine i ekonomskih
odnosa,
ZLATANA IŠTVANIĆA, za zamjenika ministra vanjske trgovine i ekonomskih
odnosa.

Predsjedavajući Doma dr Halid Genjac čestitao je predsjedavajućem, ministrima i zamjenicima ministara. Zatim je pozvao predsjedavajućeg Komisije o ustavnim i pravnim pitanjima da objasni moguću situaciju u vezi sa Nacrtom zakona o ombudsmenu BiH, vezano za prijedloge da se razmatra u formi prijedloga.

Predsjedavajući Komisije Rasim Kadić je, pored ostalog, naglasio da je pomenuti zakon u parlamentarnoj proceduri već nekoliko mjeseci i da je on jedan od temeljnih zakona za Bosnu i Hercegovinu. Rekao je da je Komisija, razmatrajući ovaj zakon, i predložila da se on pretoči u prijedlog, te predložio da to Dom sada prihvati kako bi poslanici mogli podnositi amandmane. Istakao je da za to nema proceduralnih smetnji.

Predsjedavajući je dao na glasanje prijedlog da se Nacrt osnovnog zakona o ombudsmenu preinači u prijedlog, tj. da se razmatra u drugom čitanju.

Od 25 prisutnih ZA je glasalo 17, a protiv 7. Po entitetima, iz FBiH ZA je glasalo 14, iz RS 3 poslanika. Prema tome, prijedlog nije dobio entitetsku većinu.

Ad – 2: Prijedlog izmjena i dopuna Budžeta institucija BiH i međunarodnih obaveza BiH u 2000.godini

U diskusiji u okviru ove tačke dnevnog reda učestvovali su Suada Muminagić, Rasim Kadić i Vito Rakića u ime Vijeća ministara govorio je Spasoje Tuševljak, ministar za trezor institucija BiH.

Poslije diskusije predsjedavajući je podsjetio poslanike da amandmani koje prihvati nadležna komisija postaju sastavni dio razmatranog akta, te da je tako i amandman g. Muminagić na čl. 4. postao sastavni dio Prijedloga izmjena Budžeta. Diskutovala je poslanik Suada Muminagić, a potom se Dom izjasnio o Prijedlogu izmjena Budžeta.

Od 25 prisutnih ZA su glasala 22 poslanika. Predsjedavajući je konstatovao da u ovom broju glasova ima i entitetska većina i da su usvojene izmjene Budžeta institucija BiH i međunarodnih obaveza BiH za 2000. godinu, uz amandman Suade Muminagić.

Poslije usvajanja izmjena Budžeta pred Domom je svečanu zakletvu dao g. Zlatan Ištvančić, zamjenik ministra vanjske trgovine i ekonomskih odnosa.

Ad – 3: Prijedlog zakona o izmjenama i dopunama Zakona o izvršenju Budžeta institucija BiH i međunarodnih obaveza BiH za 2000. godinu.

Predsjedavajući je konstatovao da su poslanici dobili izvještaj Komisije za budžet i finansije. Nije bilo prijavljenih za diskusiju.

Sa 22 glasa ZA i 2 uzdržana Dom je usvojio Zakon o izmjenama i dopunama Zakona o izvršenju Budžeta institucija BiH i međunarodnih obaveza BiH za 2000. godinu.

Ad – 4: Prijedlog zakona o postupku zaključivanja i izvršavanja međunarodnih ugovora

Predsjedavajući je skrenuo pažnju poslanika na izvještaj Komisije o podnesenim amandmanima.

Izvještaj Komisije o međunarodnim pitanjima obrazložio je predsjedavajući te Komisije Branko Dokić.

U diskusiji su učestvovali: Mirko Banjac, Miodrag Deretić, Branko Dokić i Ibrahim Spahić.

Predsjedavajući Halid Genjac podsjetio je poslanike da je Komisija prihvatila amandmane Suade Muminagić i da su oni postali sastavni dio Prijedloga zakona, a da će se Dom izjasniti o amandmanu Miodraga Deretića.

Povodom amandmana diskutovali su Miodrag Deretić i Mirko Banjac, a potom je predsjedavajući dao na glasanje amandman g. Deretića na čl. 3. Prijedloga zakona.

Od 24 prisutna ZA amandman je glasalo 13 poslanika – iz FBiH 5, iz RS 8. Predsjedavajući je konstatovao da je amandman dobio većinu prisutnih, ali ne i entitetsku većinu, te da se o njemu treba obaviti usaglašavanje.

Intervenirao je g. Branko Dokić naglasivši da je shvatio da je Deretić povukao svoj amandman u korist amandmana Mirka Banjca – da se kao treći stav člana 3. Prijedloga zakona upiše odredba člana 3. tačke 2.d) Ustava Bosne i Hercegovine.

Još je diskutovao Mirko Banjac, a onda je poslanik Deretić povukao svoj amandman, te se Dom izjasnio o amandmanu Mirka Banjca.

Amandman je usvojen sa 19 glasova ZA i 5 uzdržanih.

Dom je usvojio Zakon o postupku zaključivanja i izvršavanja međunarodnih ugovora sa usvojenim amandmanom.

Predsjedavajući je konstatovao da su ZA Zakon glasala 23 od 25 prisutnih poslanika, u kojem broju je sadržana i entitetska većina.

Ad - 5: Prijedlog zakona o slobodi pristupa informacijama u BiH

O Prijedlogu zakona nije bilo diskusije.

Zakon je usvojen sa 21 glasom ZA i 2 uzdržana - iz RS 7, iz FBiH 13.

Ad - 6: Nacrt osnovnog zakona o Ombudsmenu BiH (predlagač Edhem Bičakčić)

U ime predlagača obrazloženje Nacrta zakona podnijela je Seada Paravlić, a potom se Domu obratio gospodin Frank Orton, Ombudsman za ljudska prava u BiH.

U diskusiji su učestvovali: Rasim Kadić, Mara Perkanović, Ibrahim Spahić, Miodrag Deretić, Mirko Banjac, Mediha Filipović i Hilmo Neimarlija.

Poslije diskusije Dom je prihvatio Nacrt osnovnog zakona o Ombudsmenu uz zaključak da se tekst diskusije o istom dostavi predlagaču radi razmatranja prilikom izrade Prijedloga zakona.

Ad - 7: Rezolucija (predlagač: Ibrahim Spahić)

Poslanik Ibrahim Spahić podnio je opširno uvodno izlaganje o prijedlogu Rezolucije.

Povodom prijedloga Rezolucije vođena je dosta polemična rasprava u kojoj su učestvovali poslanici Branko Dokić, Adnan Jahić, predsjedavajući Vijeća ministara Martin Raguž, Rijad Raščić, Mediha Filipović, Desanka Rađević, Ibrahim Spahić i Mirko Banjac.

Poslije diskusije predsjedavajući je pozvao Dom da se izjasni da li prihvata Rezoluciju.

Od 22 prisutna poslanika u momentu glasanja ZA je glasalo 14 protiv 6, a 2 su se uzdržala.

Glasajući po entitetima, iz FBiH za je glasalo 11, a iz RS 3.

Predsjedavajući je konstatovao da Prijedlog rezolucije nije dobio entitetsku većinu i da ide na usaglašavanje.

Ad - 8: Davanje saglasnosti FBiH za sklapanje sporazuma o kreditu za oporavak obrazovanja sa Fondom OPEC-a

Uvodne napomene dao je predsjedavajući Doma.

O Sporazumu nije bilo diskusije.

Dom je jednoglasno (sa 22 prisutna poslanika) dao saglasnost za sklapanje Sporazuma.

Ad - 9: Odgovori na poslanička pitanja i pitanja poslanika

Poslanik Ibrahim Spahić je zahtijevao od predsjedavajućeg Vijeća ministara da svojim autoritetom pozove ministra za evropske integracije i ministra vanjskih poslova, da za poslanike i javnost pripreme jednu informaciju u vezi sa njegovim ranije postavljenim pitanjem, jer se u odgovoru na isto javljaju dvije različite informacije od dva ministra.

Mara Perkanović je izrazila nezadovoljstvo odgovorom na njeno pitanje vezano za diskriminaciju u privatizaciji stanova. Postavila je, u vezi s ovim pitanje – zbog čega se ljudima oduzima pravo da raspolažu svojim pravima.

Poslanička pitanja su psotavili:

Desanka Rađević - zatražila da joj predstavnici OHR-a odgovore: ko je postavio velike plakate pored puta u Federaciji BiH na kojim piše: “Vrijeme je za BiH bez entiteta”? Da li je to atak na Ustav BiH? Zašto OHR ne sankcioniše takve incidente i šta bi se dogodilo kada bi se, analogno tome, nešto slično pojavilo u Republici Srpskoj što bi iritiralo građane Federacije BiH.

Mara Perkanović - postavila pitanje: Po kojem i čijem scenariju se mudžahedini preseljavaju iz Bočinje na rubna područja Brčko Distrikta, u naselja Roma koja pripadaju opštini Srebrenik? Pitanje je uputila predstavnicima međunarodne zajednice (OHR-u, UN, IPTF) Vijeću ministara, Vladi Federacije BiH i Vladi Tuzlanskog kantona,

Ibrahim Spahić - postavio pitanje Predsjedništvu BiH i Ministarstvu vanjskih poslova: Da li će na adekvatan način izaći u javnost sa preciznim stavom u odnosu na izjavu gospodina Vojislava Koštunice na skupu u organizaciji Pakta za stabilnost, da prihvata Dejtonski mirovni sporazum sa svim konzekvencama.

Mirko Banjac: Obavjestivši Dom da je zabranjen program TV “Kanal S” zato što je emitovao reportažu preživjelih Srba iz logora Čelebići kod Konjica, postavio je pitanje IMCE-u: ”Zašto ne sankcioniše TV BiH koja je u isto vrijeme emitovala dokumentarni materijal o sahrani Mušana Topalovića – Cace, svjedočenja Bošnjakinja koje su u emisiji “Staze” tvrdile da su silovane i o drugim forsiranjima mnogobrojnih zločina koje su navodno počinili Srbi?

Predsjedavajući Halid Genjac je završio sjednicu u 20,30 sati.

Sastavni dio ovog zapisnika je magnetogram 26. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
dr. Halid Genjac